



eurosan
BANJA LUKA

KATALOG
PROIZVODA

Za lijep dan, dušeci EUROSAN

Osnovno o madracima



Za vas biramo najkvalitetnije materijale i koristimo najmoderniju tehnologiju. Naši proizvodi zadovoljavaju ekološke norme, potrebe anatomije tijela i atestirani su od strane ovlaštenih i nadležnih ustanova.

Dobar i zdrav san je osnov našeg života. Tokom spavanja mišići se opuštaju, ćelije obnavljaju, energija nadoknađuje. Ne zaboravite da najmanje 1/3 sopstvenog života provodimo u snu. Da bismo kvalitetno spavali, moramo imati dobar i udoban madrac, koji predstavlja osnov zdravog sna. Dobro prilagodljivim materijalima u odnosu na tijelo, postiže se pravilan položaj kičme, bolja cirkulacija krvi i odmarajuće opuštanje.

Kako odabrati pravi madrac?

Pipanjem se ne može ništa zaključiti. Madrac vam treba za ležanje i pravi izbor možete da napravite samo ako legnete. Treba leći na leđa a potom na bok. Osjećaj udobnosti, odnosno tvrdoće – mekoće madraca je veoma individualan. Nesumnjivo je najbolje da svako proba madrac na kom će spavati. Kupiti dobar ergonomske madrac, zaista znači investirati u sopstveno

zdravlje i zdravlje svoje porodice. Ovo znači prevenciju ali ujedno i terapiju kod osoba koje imaju problema sa kičmom, zglobovima, cirkulacijom...

Žičano jezgro

Žičano jezgro proizvodimo u bonnell sistemu od visoko kvalitetne, patentirane ugljenične čelične žice prečnika 1,4 i 2,2 mm u visinama od 11- 14 cm. U samom procesu proizvodnje svaka opruga se termički obrađuje što osigurava visoku postojanost i kvalitet, što se ogleda u činjenici da na naše proizvode dajemo garanciju na 5 godina, naravno uz pravilnu ugradnju i upotrebu.

U zavisnosti od broja opruga po jedinici površine možemo postići različite tvrdoće, odnosno nosivost jezgra. Bonnell opruge su spiralom povezane u konačan oblik jezgra a po potrebi se dodatno ojačavaju posebnim okvirom. Jezgra radimo sa ili bez flaha kao i sa ugrađenim tremofiksiranim filcom i u raznim dimenzijama. Jezgro obezbjeđuje veliku prozračnost gotovog proizvoda u odnosu na druge sisteme, što u kombinaciji sa drugim prirodnim materijalima čini zdrav namještaj.

Održavanje madraca

Madrac čini vaš san udobnim, zdravim i osvježavajućim. Kako bi vam mogao pružiti užitak i zdravlje kroz duže vrijeme potrebno ga je redovno održavati, tj. čistiti. Održavanje madraca je vrlo jednostavno. Dovoljno je malo dobre volje i ponekad pomoć druge osobe, a sve zbog vas i vašeg sna.

Budući da trećinu dana provodimo u krevetu, tj. na madracu, isti treba ležati na odgovarajućoj podnici (podlozi). To posebno vrijedi za madrace s oprugama koji mogu ležati samo na punim podnicama ili na podnicama s gustim rasporedom letvica.

Madrac se ne smije savijati kako se jezgra ne bi oštetila, to posebno vrijedi za madrace s oprugama.

Nemojte držati madrac u vlažnom prostoru. Madracu na kojem spavate osigurajte dovoljno okolnog prostora kako bi vazduh slobodno strujao i provjetravao ga.

Određeni madraci su predviđeni za periodično okretanje. To su madraci koji imaju tzv. ljetnu i zimsku stranu, a njihove strane namijenjene su za spavanje u određenim godišnjim dobima kada je bitno da vas madrac održava hladim (ljeti) ili grije (zimi).

Redovno kontrolišite ispravnost podnice, jer ispravna i dobro podešena podnica pruža udobnost i dugotrajnost madraca.

Čišćenje madraca

Madrac se mora redovno čistiti kako bi se uklonila prašina, mikro organizmi, tragovi hrane i ostaloga što se na madracu nakupi s vremenom.

Najčešće, madrac treba s vanjske strane „usisati“ i/ili blagom četkom iščetkati. Ni u kojem slučaju nemojte madrac „klofati“ (udarati). Kod čišćenja madraca nemojte koristiti hemijska sredstva i razrjeđivače.

Jezgru madraca dovoljno je prebrisati mokrom krpom, po potrebi i blagim deterdžentom. Jezgru ostavite da se u potpunosti osuši.

Provjetravanje madraca

Madrac periodično treba provjetriti na svježem vazduhu, kako bi otpustio nepoželjne mirise i po potrebi osušio ukoliko boravi u vlažnom prostoru.

Ni u kojem slučaju madrac nemojte ostavljati na jakom suncu, niti ga „klofati“ (udarati). Jednostavno ga pustite samog na prirodnom zraku da prodiše i po potrebi osuši.

Bez obzira koju vrstu madraca koristite, povremeno je potrebno da izdvojite malo vremena za njih kako bi vam pravilno služili.

Sastav

1. Platno
2. PES vata 200 g/m²
3. Reteks
4. Masažno prof. PU pjena 3 cm
5. PU pjena 1 cm
6. Filc 1000 g/m²
7. Opužno jezgro
8. Metalni okvir
9. PU pjena 6 cm
10. Ozraka



Ortopedski



Ortopedski madrac medicinskih karakteristika, izuzetno visoke nosivosti i izdržljivosti. Jezgra od metalno ojačanih opruga i većeg broja po jedinici površine daje izuzetnu podršku tijelu. Preporučuje se osobama veće tjelesne težine i onima koji imaju problema sa kičmom kao i onima koji žele tvrđu podlogu za spavanje. Ovo je najbolji proizvod u klasi madraca sa opušnom jezgrom.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. PU pjena 1 cm
5. Filc 500 g/m²
6. Opužno jezgro
7. PU pjena 3 cm



Ekonomik



Ekonomik je madrac koji u svojoj osnovi sadrži bonnell opušno jezgro što ovom madracu daje čvrstoću i elastičnost. Radi veće trajnosti, madrac je ojačan PU pjenom, a tvrdi filc mu daje još bolju čvrstoću. Može se koristiti na punim i ravnim podlogama kreveta, ali i na letvičastim podnicama. Zbog svojih karakteristika preporučuje se za opremanje odmorišta i privatnih smještaja.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. PU pjena 2 cm
5. Filc 500 g/m²
6. Opružno jezgro
7. PU pjena 3 cm



Lux



Lux je klasičan madrac stabilne izrade i povećane udobnosti u odnosu na Ekonomik. Zadovoljava sve standarde u pogledu nosivosti i udobnosti. Bonnell opružno jezgro srednje čvrstoće je obloženo tvrdim iglano-presovanim termofiksiranim filcom preko kojeg je navučen sloj platna proštepanog zajedno sa slojem pamučne vate i presvlakom.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. PU pjena 3 cm
5. Filc 700 g/m²
6. Opružno jezgro
7. PU pjena 4 cm



Eurolux




Eurolux je madrac koji će vam pružiti osjećaj dodira prirodnog punjenja na tvrdoj i elastičnoj podlozi Bonnell opružnog jezgra. Ovaj madrac preporučujemo kako djeci školskog i predškolskog uzrasta, tako i odraslim osobama. U opremanju hotela i smještajnih objekata takođe je našao veliku primjenu. Svoju udobnost i funkcionalnost zadržava i na ravnim i punim podlogama kreveta.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. PU pjena 2 cm
5. Filc 700 g/m²
6. Opružno jezgro
7. PU pjena 5 cm



Ljeto - Zima



Ljeto - Zima je madrac izuzetne udobnosti i kvaliteta. Posebno se ističe ljetno-zimska strana, te se prema tome okreće u zavisnosti od godišnjeg doba. Pamuk, kao sastavni dio punjenja, izvrstan je provodnik toplote i prirodni regulator temperature koji ne zadržava znoj i ne poprima mirise, te ljeti pruža ugođaj hlađenja. Zimi vuna održava normalnu temperaturu ljudskog tijela.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. Masažno prof.
PU pjena 3 cm
5. Filc 1000 g/m²
6. Opružno jezgro
7. PU pjena 5 cm
8. Ozraka



Euromediko



Euromediko je madrac sa većim procentom prirodnih materijala, pretežno pamuka. Zadovoljava standarde nosivosti i ergonomičnosti. Bonnell opružno jezgro je srednje čvrstoće kako bi pružilo odgovarajuću podršku osobama različitih težina i uzrasta. Spoljna presvlaka je mješavina tkanih tekstila velike gustoće. Okomito bočno pojačanje od PU pjene osigurava udobnost spavanja.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. Memory 4 cm
5. PU pjena 1,5 cm
6. Filc 1000 g/m²
7. Opružno jezgro
8. PU pjena 5 cm
9. Ozraka



Memory Bonnell



Memory Bonnell se preporučuje osobama koje žele čvrst i udoban madrac. Naročita udobnost i mekoća je jedna od osnovnih osobina ovog madraca. Bonnell opružno jezgro pažljivo je opšiveno tvrdo iglano presanim filcom i flizelinom, dok je vanjska presvlaka mješavina tekstila velike gustoće. Težina tijela ravnomjerno se raspoređuje po čitavoj površini madraca, te je tijelo opušteno i oslobođeno naperosti.

eurosan
BANJA LUKA

Sastav

1. Antialergijsko platno
2. PES vata 200 g/m²
3. Reteks
4. PU pjena 2 cm
5. Filc 700 g/m²
6. Opružno jezgro
7. PU pjena 5 cm
8. Ozraka



Antialergijski



Antialergijski madrac pruža izvanrednu udobnost zasnovanu na kombinaciji klasičnog opružnog jezgra i ekstra bogatog punjenja koji zajedno pružaju idealnu podršku tijelu, te tako omogućuju kvalitetan san. Pamučna vata apsorbuje tjelesnu toplotu dok poliuretanska pjena obezbjeđuje dodatnu udobnost. Ovaj madrac štiti od prašine, grinja, alergija i astme. Presvlaka je antialergijski obrađena.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. Masažno prof.
PU pjena 3 cm
5. Filc 700 g/m²
6. Opružno jezgro
7. Metalni okvir
8. PU pjena 5 cm
9. Ozraka



Super Lux




Super Lux je madrac visokog kvaliteta ispunjen masažno profilisanom spužvom koja pruža visoku udobnost i prijatan osjećaj. Ovaj dušek preporučujemo osobama svih uzrasta. U svojoj osnovi sadrži opružno bonnell jezgro gusto raspoređenih opruga što ovom madracu daje izuzetnu elastičnost, čvrstoću i dugotrajnost. Zahvaljujući progresivnoj sili opruga, jezgra osigurava optimalno podupiranje svih zona tijela.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. PU pjena 16 cm



Relax




Relax madrac ima jezgro od visokootporne, hladno valjane poliuretanske pjene bazirane na vodi sa karakteristikama kao što su elastičnost, udobnost i prozračnost. Platno na ovom madracu ima posebnu karakteristiku da tokom sna održava temperaturu tijela u optimalnom opsegu od 37°C. Relax ne sadrži nikakve štetne hemikalije. Odličnih je higijenskih i antialergijskih svojstava.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. Memory pjena 4 cm
5. PU pjena 16 cm



Memory Relax




Memory Relax je kombinacija PU pjene i memory pjene koja omogućava povećanu prilagodljivost tijelu i ubrzano opuštanje. Preporučuje se osobama koje su izložene pojačanim naporima ili povećanom stresu tokom dana. Po svojim vidljivim karakteristikama odlikuje se čvrstoćom, otpornošću na deformacije, te pruža odličnu ortopedsku potporu. Površinski su udobni i lagani.

eurosan
BANJA LUKA

Sastav

1. Platno
2. PES vata 200 g/m²
3. Reteks
4. Masažno prof.
PU pjena 3 cm
5. PU pjena 16 cm



Euro Relax



U **Euro Relax** madrac je ugrađena masažno profilisana PU pjena visokog kvaliteta i udobnosti. Nalazi se sa gornje i donje strane poliuretanske pjene debljine 16 cm, što u određenoj mjeri povećava tvrdoću madraca. Zbog karakteristika koje posjeduje, ovaj madrac je pogodan za osobe koje imaju problema sa zglobovima i kičmom. Veliki broj ćelija pospješuje elastičnost strukture.

eurosan
BANJA LUKA



Agrokombinat d.o.o.

Majevička 1b, Banja Luka, RS/BiH | Tel. 387 51 585 706 | Faks. 387 51 585 708

www.agrokombinat.com